



للتنشر الإلكتروني

مرآة عثمان البستاني

أنتي حرك

تصميم غزلان



رانيا عثمان



تصميم

الغلاف: **Delicate Butterfly**

الداخلي : **Dina Y Elshaarawi**

تعبئة ورابط إلكتروني : **Dina Y Elshaarawi**

فريق عمل



للنشر الإلكتروني

الفصل الأول

عندما نصل لخط النهاية علينا ألا نحاول تخطيه
فتلك الخطوط رسمت لكى نتوقف عندها .

وهكذا حال قلوبنا إذا إمتلئت بالجراح وتشبعت
بالآلم والغدر علينا أن نثور ونحرر قيودها.

مع إشراقة الشمس إستيقظت مروة ولكن ليس
إستيقاظها كإستيقاظ بطلات الروايات التى
تقرأها للهروب من واقعها قليلا . فلم تستيقظ
على رفرفة الزهور فوق حنايا عنقها أو قبلات
متناثرة على كامل وجهها .



أو إستيقظت لتري طاولة الفطور جاهزة وفوقها
وردة حمراء بجانب كوب العصير المفضل
لديها.

ولكنها إستيقظت على صوت هاتفها المحمول
ينبهاها بأن الساعة أصبحت السادسة .

إعتدلت من نومتها لتربط خصلات شعرها
بطريقة عشوائية وهى تتثاقب وتحاول أن تفتح
عينها على مصرعيهم .

نظرت بجوارها لتطالع زوجها النائم لتشعر
بغصة تخنق حلقها ولكنها إستغفرت ربها
وقامت لتبدأ يومها.

مرت ساعة أخرى كانت هى أبدلت ملابسها
وقامت بعدة أعمال منزلية و أنهت تحضير
طعام الإفطار ومن ثم ذهبت لإيقاظ زوجها .



جمال....يا جمال إصحي علشان تفطر وتروح
الشغل.

تململ بز هق وهو يبعد يدها وبصوت ناعس

الساعة كام ؟

الساعة سبعة وخمسة .

نهض بعد مدة ليجدها ترتدى ملابس مناسبة

للهبوط عند والدته كعادتها اليومية من أجل

القيام بأعمال المنزل وتجهيز وجبة الغداء

لجميع العائلة.

إعتدل فى جلسته ونظر لها نظرات معروفة

لديها ولكنها قررت تجاهلها .

إشتد غيظه ليجذبها إليه لتسقط فوق الفراش بقوة

فأمسكت بطنها متألّمة



_أى...حاسب يا جمال .

_أحاسب إيه بس، إنتى وحشتينى .

إبتلعت ما فى جوفها خوفا من رد فعله عما
ستقوله ولكنها إستجمعت رباطة جأشها وأردفت
بتوتر

_ماهو..إنت عارف إن الدكتوراة محذرة علشان
الحمل.

_دكتوراة إيه سيبك منها .

_يا جمال مين....

لم يتبق من جملتها سوى حروف ضائعة ودموع
كثيرة...دموع ألم ..دموع رفض .

.....



فى الطابق الأسفل حيث شقة هشام الشقيق
الأكبر لجمال .

وقفت تتزين وترتدى ملابسها فى غنج وزوجها
يسمعها الكلام المعسول ويتغزل بها بجرأة .
_بس بقي يا هشام خلىنى أنزل قبل ما مروة
تنزل وماما تزعل منى .

_ماشى .بس بقولك إيه مش عاوز مشاكل مع
أمى .أنا دماغى مش فاضى للحوارات دى .
_مشاكل إيه يا خويا .أنا فى حالى .هى مروة
وسهام أختك إل دايما فى مشاكل إنما أنا عسل
من يومى .

_ياواد إنت .ياللا إنزلى وأنا هخلص لبس
وأحصلك .



بينما هي تهبط لأسفل تقابلت مع جمال الذي
كان يبدو عليه الغضب الشديد .

ابتسمت بمكر وهي تري حالته فمن هيئته يسهل
عليها توقع ما أغضبه لتردف

_صباح الخير يا جمال ولإن يظهر إنه مش
خير خالص بشكاك المبهذل ده . هي مروة
متعرفش إنها لازم تهتم ببيك وتلبى طلباتك ولا
ايه . تحب أكلمهالك؟

ظل جمال صامتا بضع ثوان كأنه يفكر فيما
تقول ثم نظر لها ولهيئتها شديدة الأنوثة
بملابسها البيئية الملتصقة فوق جسدها وزينة
وجهها الكاملة وخصلة شعرها التي أرادت أن
تظهرها لتكمل طلتها بشكل ما وقارن بينها وبين
زوجته .



رأها تنظر له بتعجب لطول صمته فأجاب بتردد

_ياريت . أهو تكسبي فيا ثواب .

أطلقت ضحكة مريحة وأكملت هبوطها وهي

تقول

_عيونى .

.....

دقائق وهبطت مروءة وقبل أن تدلف شقة والدة

زوجها وجدت من يجذبها من ذراعها لتلتفت فى

حركة تلقائية ظنا منها أنه زوجها ولكن إحتل

الغضب ذاتها عندما وجدته هشام

_فى حاجة يا أستاذ هشام؟! عيب وميصحش

إنك تمسك ذراعى كده .



_ عيب إيه بس . أنا شوفتك هتقعى قولت الحقك
 علشان ابن أخويا إل فى بطنك .

إبتسمت بتهكم وأردفت

_ لأ فيك الخير بس مرة ثانية إبقى سيبنى أقع .

أنهت كلامها ولم تترك له فرصة للحديث
 ودخلت سريعاً ، بينما هو ظل مكانه ينظر في
 أثرها بغموض لثوان ثم رحل وهو يتمتم
 _ يابختك يا جمال .

.....

بدأت أعمال المنزل من تنظيف وطهى وغسل
 ملابس وكي أخري وأخيرا جلسوا منتظرين
 عودة أزواجهم من العمل .

_ إيه يا مروة أخبار الحمل معاكى إيه؟



_ الحمد لله يا طنط ربنا يكمله على خير.

_ طنط....! هو إنتى لسه بتقوليلها يا طنط دى

ريهام من أول ما خطبناها لهشام بتقولها يا ماما

إيه ياست مروة متكبرة على إيه؟

تنهدت مروة بألم قبل أن تجيب

_ لا متكبرة ولا حاجة يا سهام . كل الحكاية إنى

مش متعودة .

_ لأ ياختى إتعودى . أنا ساكتة وساييباك براحتك

وأقول بكرة تتغير من نفسها .

_ حاضر إن شاء الله.

_ بقولك إيه يا مروة حاولى تغيري من نفسك

شوية؟

_ أغير من نفسي إزاي يا ريهام!!



_ يا عنى مش شايقة نفسك مبهدة إزاي
مبتلبسش غير إسدالات أو قمصان كبيرة جدا
ووشك باهت وبصراحة جمال مضايق .

_ ليه حق والله.

_ هو لولا كلمنى ألفت نظرها مكنتش إتكلمت يا
سهام بس أخوكى صعب عليا وهو بيقولى
ياريت تتعلم منك . عموما يا مروة لو مش
عارفة تعملى إيه قوليلى أعلمك.

أنهت جملتها بنظرات تفاخر وتكبر صاحبها
ضحكات سهام ووالدتها.

أنهكها التعب .. أتعبتها سخريتهم المستمرة منها
لتردف بإرهاق بان



_ الزينة للزوج واجبة في بيت الزوجية . لكن
 بره البيت ده واجب عليا أحافظ على نفسي
 .مينفعش ألبس ضيق ولا أبين عوراتى .

_ وهى بتقولك إيه إمشي ببدة رقص . ياعينى
 عليك يابنى بختك مايل.

_ متعشميش فى جمالك لأن الرجل بيحب مراته
 دايمًا تلبس وتدلع وتخطف عينه . وأخويا لو
 صابر عليكى دلوقتى مش هيصبر بعدين .شوفى
 ريهام وشها منور إزاي ولا لبسها مضبوط إزاي
 . وأنا أهو لسه متجوزتش بس مهتمة بنفسى
 أصل إلى متعود على حاجة بيفضل عليها.

نظرت لهم وفضلت الصمت فأى حديث سيجدى
 نفعا معهم .ولكن بالطبع لم يرق لهم هذا الصمت
 لتردف حماتها بغضب



__هما مش بيكلموكى مبروديش ليه ؟ ولا إحنا
 مش قد المقام علشان تردى علينا . الحق عليهم
 بينصحوكى .

__العفو . مقصدش أنا بس تعبانة شوية . وأكيد
 الحمل مآثر عليا وعلى شكلى .

__تقصدى إيه يا ست مروة ؟ عاوزة تقولى إنى
 مهتمة بنفسى علشان محملتش . أنا الحق عليا
 بقولك تعملى إيه بدل ما تلاقى جمال فى يوم
 إتجوز عليكى . شايفة يا ماما كلامها .

أنهت جملتها ببكاء مصطنع . جعل من سهام
 ووالدتها يعنفانها بقسوة لتقرر الفرار من
 أمامهم .

__بعد إذنكم يا جماعة هطلع شقتى أرتاح شوية .



.....

صعدت مروة بإنهاك ولكن ليس جسديا فقط

وإنما نفسيا أيضا

فهاهى منذ ثمانى أشهر تعاني الأمرين مع عائلة زوجها.

صباحا تهبط لأسفل لكى تقوم بأعمال المنزل بينما ريهام تقوم بالقليل تحت ذريعة قيامها بعدة تجارب للحقن المجهرى فهى وهشام متزوجان منذ سنتين ولم ينجبا بينما هى الآن فى شهرها الرابع .

كان الأمر بداية سهلا ويسيرا رغم المضايقات والكلام السام الذي تتلقاه دائما ولكن هذا العمل الدائم أصبح عسيرا منذ أن أراد الله بأن يهبها




نبته لم تكن لترغب بها ولكنها رضت بقضاء الله
وتأملت خيرا به.

لا تكف حماتها عن الغضب منها مهما فعلت لا
ترضي عنها بل على العكس تحاول خلق
الإشتاكات الكاذبة وتقصها على ابنها كل ذلك
لعدم تقبلها لقب مناداتها .

يا للسخرية تريد منها مناداتها أمي . أكل امرأة
تصبح في مثابة الأم .

كيف تفهما بأنها إذا أرادت أن تناديهما أمي
وتتعامل معها كوالدتها عليها هي قبلا أن
تشعرها بالقبول .. أن تعاملها كابنتها . فأى
علاقة هي علاقة تبادلية . إذا أردت عليك أن
تعطى قبلا.

عليها أن تشعر بالأمان .



ليس من طباعها النفاق لتناديها أُمى منذ بداية
معرفتهم فأين ومتى شعرت بهذه الأمومة .

وطبعا لا تستطيع نسيان مدللة الأسرة الآنسه
سهام التى تجعل حياتها حرفيا جحيما . فدلالتها
زائد عن الحد .

ولكن مشكلتها الأكبر هو هشام . فنظراته إليها
تطمئننها وخاصة محاولاته المتكررة في الإنفراد
والحديث معها .

وبالطبع نصيب الأسد لزوجها الذي لا يتهاون
فى ضربها كل مرة تشتكى له والدته أو شقيقته
حتى أنه لا يستمع لها .

تفاقت الذكريات السيئة بعقلها لتشعر بالإختناق

.



وصلت لفراشها لتنزع ما ترتديه وتنام بارهاق

وتعب ظهر جليا على ملامح وجهها .

أمسكت هاتفها لتجري إتصالا بوالدتها

_ السلام عليكم ورحمه الله

_ وعليكم السلام . إزيك يا ماما؟

_ أنا الحمد لله. أخبارك إنتى إيه يا مروة؟

_ تعبانة والله يا ماما . خلصت تحت ومقدرتش

أقعد وطلعت أفرد ضهري.

_ وحماتك يابنتى مش هتزعل إنك طلعتى ؟

_ تزعل ولا لأ بقي أنا تعبانة وكنت قاعدة بس

هما طبعا مهانش عليهم يسيبوني فى حالى.

_ معلش يابنتى .



_معلش معلش أنا تعبت .أنا حاسة إني خدامة

.

_ياحبيبتى علشان دى أول سنة بس عقبال ما
تطبعوا بعادات بعض وهما ياخدوا عليكى وإنتى
كمان تاخدى عليهم .

بينما كانت تتحدث مع والدتها هاتفيا تفاجئت
بصياح زوجها بإسمها

_مروة..مروة ..إنتى فين يا هانم؟

_ماما إقفلى دلوقتى.

أغلقت الهاتف وما إن إعتدلت من نومتها حتى
تلقت صفة قوية أردتها مرة أخرى فوق
الفراش .

_إنت ...إنت بتعمل إيه ؟



قالتها بصدمة وخوف وهى تراه يهم لضربها
 مرة أخرى ولكنه لم يجيبها ولم يهتم لتآوهاتها
 وصراخها وظل ينهال عليها ضربا ويسبها
 _بقي بتعائري مرات أخويا بالخلفة .مش كفاية
 سايبه شغل البيت كله عليهم ونايمة ولا على
 بالك .

لفح الدوار رأسها ..لم تعد تستطع التحمل
 ...الضربات والصفعات تتفرس جسدها حد فقد
 الشعور .

تراه بعيون مغلقة يصرخ ولكن لا تستطيع
 سماعه .

فقط تشعر بجذبها لغيمة سوداء تضرب رأسها
 لتستجيب لها بدموع حارقة وهى تهمس بوجع
 _إبنى .



الفصل الثاني

آهات وأنين تخنق روحها... تحشرجت الدموع
بعينيها فنزيف قلبها كافٍ .

إستيقظت لتجد نفسها ممددة فوق فراش ليس
بفراشها وحجرة ليست لها . يتم تغذيتها صناعيا
عن طريق وريدها الذي تقسم بإشتعال الجمر
به .

بجانب الفراش كرسي تجلس عليه والدتها تبكى
بينما عند الباب يقف زوجها ينظر لها بأسف
وندم واضحين .

أشاحت بنظرها عنهم لمرور ذكرى أليمة أخرى
كانت قد أودت بها سابقاً للمشفى . شعرت بتلك
الذكريات تتغلغل داخلها لتغلق عينيها ظناً منها



إختفاؤها ولكن الحقيقة أنها أصبحت بداخلها مرة
أخري.

.....

كانت لا تزال عروس .لم يمض على زواجها
سوى عشرة أيام .

ولكن بالنسبة لعائلة زوجها إنتهى وقت العرس
وبدأ وقت العمل .

جالسة تمشط شعرها بغنج مكسوف لتستمع
لطرق الباب ومن بعده صوت زوجها ووالدته
كأنهما يتشاجران

_لأ يا ماما أنا لسه عريس ومتنهتش .



_بقولك إيه هى كلمة تنزل الورشة مع أخوك
من بكرة كفاية كده. وكم ان مراتك تنزل تشيل
البيت عن ريهام كفاية عليها كده.

_طب يومين كده ولا حاجة .

_ياخويا إحنا عاوزينها بالنهار ولما تخلص إل
وراها تبقي تطلع . ماهو مش معقول ريهام
تعمل كل حاجة وهى قاعدة متعززة .

_خلاص يا ماما هقولها .

_وأه دى آخر مرة الباب يكون مقفول . أنا
واحدة المفتاح علشان أطلع وأنزل براحتى ،
أدخل فى الوقت إل يعجبنى ، إن شاء الله
تلاقينى فى أوضة نومكم ، معنديش بيبان تتقفل.

_ماشي يا ماما .



رحلت بعد أن أصدرت أوامرها ليدلف هو
لحجرة النوم

_ هي مامتك معها مفتاح الشقة؟!!

_ أيوة .

_ ليه؟

_ هو إيه إل ليه؟

_ مفتاح شقتنا معها ليه؟

_ جرا إيه ما تتكلمى عدل . البيت ده بيتها ومن
حقها تاخذ أى مفتاح لأى حته . وإنتى مالكيش
حاجة سامعة ولا لأ .

_ ماليش حاجة !! دى شقتى شقة الزوجية زى
ما بيقولوا ياعنى من حقي وأنا أرفض مفتاح
شقتى يبقى مع حد وخصوصا إنها بتقولك الباب



ميتقفلش . ده الحمد لله بقي انى كنت قافلاه وإلا
كانت دخلت وأنا بستحمى.

_أهو ده إل عندى وإتخمدى بقي بدل ما أمد
إيدى عليكى، وإعملى حسابك من الصبح تنزلى
تشوفى شغل البيت معاهم هما مش هيخدموكى.
رغم صدمتها من كلامه ومن موقفه المخزى إلا
أنها صمتت ، صمتت وأرعت لكلامه ولم
تناقشه أكثر وبالفعل هبطت في اليوم التالى
للقيام بأعمال المنزل .

مرت الأيام ومخزون ضيقها يزداد . تارة من
ريهام وأخري من هشام ...تارة من حماتها
وأخرى من سهام ...والنصيب الأكبر
زوجها....جمال... الذي لم يقف بجانبها أبدا .



وأخيراً إنتهى عمل المنزل . سعدت لشقتها
 بغية الإستحمام وإرتداء ما يناسب عروس لم
 يمر سوى شهر ونصف عن زواجها فخلال تلك
 المدة رحلت الفرحة من دموع عينيها . لذا
 قررت البدء من جديد .

كان جم إنتباهها وتركيزها عما تحضره من
 قالب كيك بالشوكولاته كما يحبه جمال وإرتدت
 إحدى ملابسها الحريرية وصففت شعرها
 ليناسب ما ترتديه وزينت وجهها بأدوات
 التجميل .

نظرت لنفسها بالمرآة بفرحة لما أنجزته .
 ثوان وسمعت صوت الباب يفتح .. فتحت الهاتف
 المحمول على صوت موسيقى هادئة كانت قد



أعدتها سابقا وخرجت من الحجرة لتتفاجأ بجميع
العائلة أمامها .

صرخت فزعة وهرولت لحجرتها ولكن هيئتها
الخاطفة قد رآها الجميع ومن ضمن الجميع
هشام .

ذلك اللعوب الذي سال لعبه لرؤيتها بصورة
كاملة الأنوثة ونسي أنها زوجة أخيه ..

_ هي مراتك شافت عفاريت ولا إيه يا خويا

_ شايف الإستقبال يا ابن بطنى .. ما شاء الله

إستقبال يعر . بقي إحنا طالعين نقعد معاها تقوم

تصرخ في وشنا وتدخل أوضتها .

_ هي .. هي متقصدش يا ماما . إقعدى إرتاحى

وأنا هناديها.



_أقعد فين .يحرم عليا بيتك .إنت واقف
وراضي إن مراتك تهينا وعاوزنى أفضل . والله
لا يمكن ، إبعد من وشي أنا نازلة .

_متزعلش منها يا ماما .تعالى ننزل شقتى دى
تنور بوجودك والله.

_شايف الكلام مش الست حرمك.

هبط الجميع تزامنا مع خروجها بعد أن
إستجمعت نفسها وإرتدت الإسدال ومحت زينة
وجهها .

كانت تقترب ببراءة غزال يلهو داخل محيط
ذئب وما إن همت بالكلام حتى إنقض عليها
يكيل لها الصفعات والسباب



_عجبك كده يابنت أمر نزلت زعلانة

بسببك دا أنا هربيك .

صرخة تتلوها صرخة ومحاولات للإفلات منه

. لتصرخ ببكاء .

_أنا معملتش حاجة . كان المفروض تنبهنى

وتقولى وخصوصا إن أخوك معاكم.

_أخويا !!! هو أخويا هيصيلك . كان ممكن

تدخلى من سكات بس إنتى أخرجتهم .

_أنا أخرجتهم !!!

لملمت شتات أمرها بعد أن إبتعد عنها ودلفت

لحجرتها . كان جسدها يؤلمها فأرادت

الإستحمام عله يهدأ . فبدأت بنزع إسدالها ليظهر

من تحته قميصها الحريري وبينما تتفحص



جسدها وجدته يقترب منها وهو كالمخمور لا
يري بكائها.. لا ينظر لجراحها.. لا يبصر
آلمها. كل ما يراه أنوثتها المحللة له.
_تعرفني إنك جميلة أوى .

زاد بكائها وإختنقت شهقاتها فشعورها بالذل
والمهانة زادوا بقربه أحست بأنها سلعة لرغباته .
مر الليل بسلام ولكن ليس عليها هي .. فالبكاء
طوال الليل ومحاولة إزالة أثر لمساته ليس
بالسلام أبدا.

صباح اليوم التالي

طلبت منه الذهاب لرؤية والدتها ووافق وعند
وصولها بدأت وصلة بكائها مرة أخرى وكأنها
لم تبك قبل. وبعد أن هدأت.



_ يا حبيبتي هو معذور دى أمه وتلاقيها سمعته
كلمتين ضايقوه وإتخرج .

_ معذور !!! يا ماما أنا مش عارفة أخذ راحتى
فى بيتى . مش عارف أقعد ولا أنام حتى الأكل
مفروض عليا بيقى تحت . ويوم ما أفكر أعمل
حاجة خاصة ليا ولجوزى يحصل إل حصل .
أنا تعبت ... تعبت من كل حاجة .

_ بقولك إيه إجمدى كده إنتى لسه فى أول حياتك
لازم شوية صبر .

_ يا عنى عادى يضربنى وتقوليلى صبر . يا
ماما إل يعملها مرة يعملها ألف .

وقد كانت ... فعند قولها هذا لم تظن أنها ستعيش
نفس التجربة مرة بعد مرة .



.....

مرت عدة أيام قضتها هي في محاولة لتطبيب
جرح قلبها .

إلى أن جاء يوما كانت به تقوم بتنظيف الدرج
بالمياه.

_ مساء الخير

إلتفتت سريعا وإعتدلت بوقفها وأجابت بصوت
منخفض

_ مساء النور

ظلت منتظرة مروره ولكنه لم يفعل فنظرت إليه
لتراه ينظر لجسدها بتفحص .

إنكشيت على نفسها وقررت الصعود .

درجة وأخرى وكانت محاصرة منه .



دب الذعر قلبها لتقول بتلجل وخوف

_إنت..إنت عاوز إيه ؟ إبعد

_أبعد إيه بس .إنتى خطفتى قلبي من يوم ما
شوفتك الأصفر كان هياكل منك حته. يا وعدى
لو أشوفه تانى بس تبقي لبساهولى أنا.

برقت عينيها بصدمة وذعر . تعلم أنه لعوب
ولكن أن يكن وقحا لهذا الحد .

جمعت قواها ودفعته بيدها لترحل

_إيه إل بيحصل هنا ؟!!!

تنفست بعمق لتكتشف أنها كانت لا تتنفس منذ
تصديه لها ولكن الآن زوجها بجانبها .

إندفعت تبكى بأحضانها

_خدنى من هنا ...إبعده عنى .



_أبعد مين عنك ؟ عمل فيكى إيه ؟

كادت بأن تجيبه ولكن صوته الغليظ قاطعها

_تصدقى إنك ناقصة رباية بقى بتحاولى

تغرينى ودلوقتي بتكذبي وتتبلى عليا.

_شوفت يا جمال مش قولتلك ؟

كان هذا صوت ريهام التى كانت تنظر لزوجها

بتهديد و غضب لم يرهم سوى مروة أما جمال

فكان صب إهتمامه عليها هى .

نظرت له لتعلم ما تقصده ريهام لتتلقى صفة

قوية أدت إلى إنبثاق الدم من شفتيها.

لم يمهلهما أحد أن تستعب ما يحدث وبدأ تراشق

الكلمات من حولها



_متكسفتيش من نفسك وإنتى بتحاولى تلفتى

نظر جوزى ليكى ؟

_أنا مراتى مالية عينى وبستات الدنيا كلها ويوم

ما هبص بره مش هتبقى مرات أخويا.

_إنتى طالق .

إبداع



الفصل الثالث

مر شهر وهى فى حالة من الإكتئاب بمنزل
والدها الذي لم يقبل بهذا الطلاق .
بينما حال جمال تغير .. أصبح مهموما وعصبيا
.. وحيدا .

كان هذا الحال مستمرا قبل أن تتدخل والدته
_ جمال يابنى رجع مراتك . عاوزة أشوف
عيالك وإنك بتحبتها ياخويا ومش راضي تتجوز
غيرها يبقى ترجعها وهى خلاص إتعلمت
الدرس .

_ إنتى رأيك كده يا ماما .
_ أيوة بس تفتح عينك بعد كده .



وبالفعل تم التصالح الذي رحب به والد مروة
بينما هي رفضت ذلك بشدة ولكن والدتها أقنعتها

قائلة

_يا بنتي وافقي . إنتى لسه صغيرة ومحدث
ببسيب واحدة مطلقة في حالها . ولو راح يتجوز
واحدة تانية هيسألوه عن سبب الطلاق وساعتها
سيرتك هتبقى على كل لسان . ومش حياتك بس
إل هتقف وحياة إخوانك كمان .

شعور الوحدة قاتل ... ليس لديها سند . أبويها
الذي من المفترض أن يدعموها ويفكرون فى
صالحها يريدون إخضاعها خوفاً من كلام الناس

.



بالطبع فمجتمعنا يتغذي على غيبة بعضهم
البعض . رمى المحصنات بالنسبة لهم أسهل من
الدخول في مناقشة للدفاع عنهم.

وافقت على مضض وعادت.

_نورتى بيتك .

كلمتان فقط قالهم لتجهش في بكاء مرير . رق
قلبه لها ليحتضنها ويربت على ظهرها بحنو
جعلها تشعر بالإختناق أكثر .

أ يكون جارحها ومداويها يا له من رجل يصيبها
بالجنون

_خلاص بقي متزعزعه . عاوزين ننسى إل فات
. يابت أنا بحبك والله وإننى لازم تبقي متأكدة
بس إننى عارفة إنى عصبى .



_إنت طعننتى فى شرفى .

_يوووو ما قولنا ننسى إل فات . كانت ساعة

شيطان . خلاص بقي .

_ياعننى توعدننى إنك متمدش إيدك عليا تانى

...؟

_أوعدك يا روحى .

نظرت له راجية تريد أن تصدقه .. أن تأمن له

ولكن قلبها ملئ بالخوف .

_خلاص بطللى عياط وقومى كده ورينى

حلاوتك . إعتبري إنهاردة ليلة فرحنا .

إستجابت له آملة تغير حياتها للأحسن معه . تريد

أن تشعر فقط بالراحة .

.....



مرت الأيام كانت الأمور هادئة ومريحة .

فقد طلبت منه سابقا أن تبقي في شقتها ووافق

هو لنبرة الترجى بصوتها .

سعدت كثيرا ومر شهراً بهذا الوضع . لم تكن

المشكلات تتخلل حياتهما . قضيا شهراً أجمل

أيامهما معا . بالفعل نشأت بعض الخلافات

ولكنها أمور عادية تحدث في كل بيت لذا لم

تقف عندها كثيراً.

ولكن.....

يبدو أن راحتها لن تدوم .

صباح يوماً ما....



إستيقظت بعد أن شعرت بطرق شديد فوق الباب
لم تحتج للوصول إليه لمعرفة صاحبه فكان
صوتها الغاضب كفيلا

_ أنا مش قولت الباب ده ميتقفش تانى . إنتى يا
هانم .

فتحت مروة الباب سريعا بعد ما إرتدت إسدالها
_ إتفضلى يا طنط

_ أتفضل !! لهو إنتى هتعز مى عليا في بيت إبنى
؟

_ لأ العفو إزاي . ده بيتك .

_ ولما إنتى عارفة إنه بيتى بتقفلى بابه ليه ؟



_إنتى عارفة إن جمال مشى من بعد الفجر ينقل
بضاعة وأنا في الشقة لوحدى فقولت أأمن أقفل
الباب عليا.

_نعمم أأمن ليه إن شاء الله...معاكى فى
البيت حرامية .

_مقصدش والله يا طنط بس من ساعة ما البيت
إل الشارع التانى إتسرق وأنا بقيت أخاف.
_بت إنتى بلاش كلام كثير .الباب ميتقفلس بعد
كده وكما...

_السلام عليكم ..إزيك يا ماما .

_وعليكم السلام ياخويا تعالى شوف مراتك.

_مالها بس ؟



__مراتك مخونانا قافلة الباب عليها وبتقولى
خايفة .

نظر جمال لزوجته فوجد علامات الذعر منه
ظاهرة في عينيها فشعر بالحزن . مما جعله
يجيب والدته

__أنا إل قايلها طول ما أنا بره بابها مقفول
عليها.

صدمت والدته ولكن الصدمة الأكبر من نصيب
مروة التى ظهرت الدموع بعينيها ولكنها هذه
المرّة دموع فرح .

ثوان وإنقلبّت سعادتها إلى تعاسة وهى ترى
والدته تبكى وتلومه



_ كده يا ابن بطنى . أنا غلطانة إنى طلعت
أطمئن عليها لما قولت إمبراح إنها تعبانة . أهو
كنت طالعة أعمل بأصلى .

مع إنها طول المدة إل فانت مفكرتش تقول لما
أنزل أساعدها دى ست كبيرة وفى مقام والدتى
.

تنزل معاك نص ساعة تقعد فيهم ضيفة وتطلع .
أنا رببتك علشان تيجى واحدة وتاخذك منى .
إفكرتك لما تتجوز هتجيبلى بنت تتمنالى الرضا
مش بتكرهنى وبتكرهك فىا .

_ هى مين بس إل بتكرهك وبتكرهنى فىكى يا
ست الكل ؟ دى مروة طيبة وبتحبك .



_كلااام . أنا خلاص مش عاوزة منكم حاجة

وهنزل شقتي أقعد بكرامتي .

_وإحنا ميهونش علينا زعلك يا طنط . شوفى

إيه إل يرضيكى وحقك عليا .

_أنا مبقتنعش بالكلام.

_أومال عاوزة إيه يا ماما . إحنا ملناش بركة

غيرك.

_خلاص بلاش إنهاردة بس من بكرة تنزلوا

معانا تحت . أنا من حقى أشوف ولادى كلهم

حواليا وكلنا مع بعض .

نظرت مروة لجمال بتمنى رفضه لمثل هذا

الأمر ولكن قضي على أمنياتها بقوله



_إنتى تؤمرى يا ست الكل. ولو عاوزاها من
إنهارة مافيش مشكلة.

_لأ خليها إنهارة . تخلص شقتها وتظبطها
علشان ميقاش عندها حجة .ياللا أنا هنزل
وهستناكى بكرة يا مروة من بدري وإعملى
حسابك إنتى إل هتعملى كل الشغل .

سهام مش فاضية وريهام الدكتوراة قايلالها
متحركش علشان الحقن .

_خليكى إفطري معانا.

_لأ.. إفطر مع مراتك أنا هنزل .

سيطرت خيبة الأمل عليها من جديد وإمتلأت
رئتيها بالخوف.

_إنت مش كنت وعدتتى هنفصل هنا لوحدنا ؟



_أيوة بس أهو الوضع قدامك.... أمى ز علانة
 وأنا ميهونش عليا أكسر بخاطرها . وبعدين دى
 تعبت علينا سنين من بعد أبويا ما مات وأبسط
 حاجة نقدمها لها نبقى حوالياها على طريزة
 واحدة . عدى الموضوع يا مروة أنا مش عاجز
 مشاكل .

إن كانت هى الأم فهذه الزوجة...كلتاها لديها
 حقوق ... لما لا يعدل .

لا ينص الدين بهذا .. لا يأمره الله بأن يجعل
 زوجته خادمة لأمه .. بل أمره هو بخدمة والدته

شتان بين المعاملة الحسنى محبة وتقدير
 والإغصاب على ذلك .



.....

عادت الأمور لنصابها الأول . إستمرت بالعمل
 كأنها ساقية لا يسمح لها بالراحة أبدا . حتى بعد
 علمهم بحملها لم يجعلهم هذا يرافون بها ... بل
 على العكس شعرت بإزدياد كراهية ريهام لها .
 مر شهران على هذا الوضع .

وفى يوماً من الأيام

كانت تجلى الأرض بمنشفة قطنية . فقد قررت
 حماتها جعلها تنظف البيت بالإضافة إلى غسل
 فرشاة الأرض من سجاد وموكيت .

وهاهو آخر يوم تجلى من أجل أن تعاود فرش
 الأرض مرة أخرى



شعرت بآلم شديد ... كان هذا الألم مصاحبها فى
 الأيام الماضية منذ أن بدأت بهذا العمل الشاق .
 وكلما صرحت بآلمها سخرت منها والدّة زوجها
 وإتهمتها بإفتعال ذلك .

كانت تعمل أكثر العمل فلم تعمل ريهام كثيرا .
 زاد الألم إلى الحد الذي لم تحتمله لتصرخ
 بكامل قواها ثم تسقط أرضا .

أفاقت لتجد نفسها فى المشفى ومعلق لها
 العلاجات الوريدية والألم بدأ يهدأ .

_حمدالله على سلامتك يا مروة . كده تخضينى
 عليكى ؟

_إيه إل حصل ؟!!



_أغمى عليكى وجبناكى المستشفى . مش
عارفة بنات إيه إل كل ما يعملوا شغلة يتعبوا .
_ماهو برده الشغل كان كتير يا ماما وهى مش
متعودة .

_شغل إيه إل كتير لهى كانت بتشتغل لوحدها ؟
وبعدين هى إل ضعيفة . أما بقي إنها مش
متعودة فده يرجع لأمها معلمتهاش إزاي تقوم
بشغل البيت وتبقي ست شاطرة .

تنهد جمال بيأس وأضاف
_مش عملته وخلصت الحمد لله . يبقي ترتاح
بقي .

_ما شاء الله ياسي جمال . خليها ترتاح ياخويا
قال يا عنى هتجيبنا السفيرة عزيزة .



_الحمل... قالتها بذعر ليبتسم لها مطمئناً

_متقلقيش . حصلش حاجة بس الدكتوراة قالت

إنك محتاجة الراحة والتغذية . عاجبك كده

الدكتوراة تقلى مبتأكلهاش ها يرضيكى تقول

عليا مجوعك إنتى والواد . قالها بضحك محاولاً

خلق حالة من المرح

إبتسمت لمزاحه وتساءلت

_عرفت منين إنه ولد؟

_محدث قالى أنا عرفت لوحدى . حاسس بيه .

تعرفى إنى مستنيه . عاوز أعمله حاجات كتير

وأعلمه كويس مش هدخله دبلوم زيي لأ نفسي

يطلع دكتور ولا مهندس والله لو حفظ القرآن

ويؤمن الناس في الجامع .



_ الله يا جمال ... ربنا يجعله صالح فالح .

_ آمين . تعرفي هسميه إيه؟

_ إيه؟!

_ هيكون إيه يا عنى على إسم أبوك طبعاً .

_ بس يا ماما كان ليا غرض أسميه إسم تانى .

_ ليه وإسم إبراهيم ماله إن شاء الله .

_ مالوش ولا حاجة إسم غالى بس أنا كنت

حبيب أسميه غيث .

_ جميل أوى

_ لا جميل ولا حاجة إسم مرق وملزق كده .

_ يا ماما ده معناه حلو .

_ هى كلمة هيتسمى إبراهيم على إسم أبوك الله

يرحمه لإما يحرم عليا لسانك يخاطب لسانى .



مستكثر عليا أفرح بيه مش كفاية مشوفتش خلفه
أخوك .

نظر جمال لها بإستياء من حديثها لتهمس له
مروة

_ خلاص يا جمال متزعلهاش وإن شاء الله لو
ربنا أراد ورزقنا بولد تانى إبقى سميه غيث .

_ يبقى شد حيلك كده علشان مش ناوى أطول
وهنجيب التانى عالطول

صدحت ضحكتها تهز جدران الحجرة .



الفصل الرابع

عادت من رحلة الذكريات على شعورها بلمسة

يده وصوته الباكي

إبننا راح خلاص.

أغلقت عينيها بقوة تحاول السيطرة على ألمها

وبصوت بدى ثابت

_ربنا هيعوضنا .

لم يصدق أذنيه ... ظل ينظر لها بفرحة لم

يستطع مداراتها أما والدتها كانت فى حالة

صدمة تماما فهى توقعت أن إبنها سترفض

الرجوع معه وتتمسك بالطلاق هذه المرة .



_طب هروح أنادی الدكتورَة علشان تطمنی
عليكى .

وما إن خرج
_إنتى هترجعى معاه بعد إل عمله!!
_وهو عمل إيه ؟!


نطقت بها ببرود ولا مبالاه جعلت والدتها تظن
أن الصدمة أثرت عليها

_مروة يا حبيبتى هو مش بس ضربك زى كل
مرة ده قتل إبنك . أنا مش مصدقة إنك هتعيشي
معاه عادى كده.

_وليه لأ ؟ مش ده إل إنتوا عاوزينه .ليه المرة
دى فارق معاكى أذيته ليا ؟ مش خايفة من كلام
الناس . ولا هتبقى حجتنا معانا . ده كان السبب



في إجهاضها وكانت هتموت . هي دى الجملة
 إل بتحضروها علشان تقنعوا الناس بسبب
 طلاقى . إنما المرة إل فاتت كنت خافين من
 الفضيحة . كأنكم مصدقين إل إتقال ومش
 عارفين بنتكم ولا واثقين فيها . يبقى ليه لأ أكمل
 حياتى معاه وأعيش زى ما قدرى مكتوب .
 إنسابت دموع والدتها وقالت ببكاء
 _أنا عمري ماصدقت ولا هصدق فيكى حاجة
 وحشة . إنتى بنت بطنى . تعبت فيكى وربيتك
 أحسن تربية . أنا كنت خايفة عليكى من كلام
 الناس . يابنتى إحنا فى مجتمع مبيرحمش محدش
 بيسيب حد فى حاله . خوفى عليكى هو إل منعنى
 أقف معاكى . وباباك لولا قلقه عليكى وعلى غدر
 الزمن مكنش وافق على رجوعك .



_ أنا مكنتش محتاجة خوفكم وقلقكم .. أنا بس
كنت محتاجة دعمكم .

الناس كانت هتسكت لما تلاقيكم واقفين قصادهم
تحموني من تطاولهم .

بس دلوقتي خلاص مش محتاجة حاجة . أنا
هرجع لطريقي إل كتابتوه ليا . وهكمله .

إنفتح الباب ليظهر جمال ومعه الطيبة

_ أخبارك دلوقتي يا مروة ؟

_ الحمد لله . فى ألم بس ماشي الحال

_ طبعا يا مروة إنتى مستقلية ده إجهاض فى

آخر الرابع يا عنى كان الجنين متكون ... ربنا

يعوض عليكى.



نظرت مروة للطبيبة نظرة مفهومة لتبدأ الطيبة

الحديث موجهها لجمال

_شوف يا أستاذ حالة المدام حرجة ولو عاوزين

أطفال لازم تمشوا على التعليمات إل هقولهاك

وإلا فرصتها فى الخلفة هتتعدم.

_حاضر..حاضر يا دكتورة قوليلي أعمل إيه

وأنا هنفذه بالحرف

_طيب أول حاجة ممنوع حضرتك تقرب منها

لمدة شهرين . ممنوع تماما إنها تقوم بأي شغل

شاق يا عنى المجهود الزيادة مالوش داعى . وأهم

شئ النفسية متستهونش بال حصلها ده لأن ليه

أثر كبير سلبي عليها ومهمتك بقي تبعد عنها أى

أسباب للحزن والضيق .



_حاضر ..حاضر يا دكتورة إل هتقولى عليه
هيحصل.

_تمام ..وطبعا التغذية السليمة مهمة جدا
جدا.حمدالله على سلامتک مره تانية .

رحلت الطيبة بينما جمال أخذ يفكر فيما قالت
ومرورة تتحدث مع والدتها مصطنعة عدم
الإهتمام.

مرت ليلتها ومن ثم عشرة أيام قضتها فى منزل
والدها لكى ترعاها والدتها واليوم هو أول يوم
ستعود إلى منزلها.

_نورتى بيتك يا حبيبتى . إقعدى إرتاحى .

_وانت رايح فين؟



__هملك عصير الدكتوراة قالت لازم نكثر من
السوائل.

إبتسمت مروة وتحدثت بهدوء

__إقعد يا جمال عاوزة أقولك حاجة.

__ها....خير يا مروة ؟

__بص يا جمال إحنا كل مشاكلنا بسبب تدخل
أهلك ما بينا وأنا بصراحة تعبت من المشاكل
وكمان عاوزة أركز على صحتى علشان ربنا
يعوضنا .

__ياعننى عاوزة إيه يا مروة؟

__عاوزه أفضل فى شقتى .

__إطمنى أنا كنت ناوى على كده .الدكتوراة

مانعة الشغل والحركة الكثير وأنا عارف إن



نزولك تحت بيتعبك فعلشان كده هنخلينا فى
شقتنا .

_ربنا يخليك ليا . بس أوعى تغير رأيك
_لأ إطمنى . أنا عاوزك تجيبيلى الواد إل بحلم
بيه ومش هخاطر .

إبتسمت مروة بخبت فيبدو أن خطتها بدأت فى
النجاح

مرت ثلاث أيام كان جمال فيهما متفرغ تماما
لرعايتها ولكن أصبح عليه العودة للعمل .
رأته يتجهز من أجل العمل فأصطنعت البكاء
_مالك يا مروة فيكى إيه ؟



نظرت للهفته وخوفه عليها والذي يبدو ان
حقيقتان جدا وشعرت بتأنيب الضمير .. ولكن

...

لا ... ليس مسموح للضمير بالإستيقاظ الآن
... فهي عانت الكثير .

إن كانت الآن تستغل خوفه وشعوره بالذنب فهو
قد إستغل ضعفها وقلة حيلتها . أما الآن فقد حان
الوقت للتأثر من كل من أذوها . ولتبدأ به .. فهو
كان أداة في يديهم يجلدونها به والآن ليصبح
أداة في يدها هو من إختار السلبية وليست
هي ما إختارتها له ... هو من قرر أن يظلمها
وليست هي من وضعت نفسها في تلك الخانة
... هو من فهم طاعة الوالدين خطأ فلما تتحمل
أخطاؤه وحدها هو من لم يراعى حرمتها



وأنها كنزها وعليه المحافظة عليه وعدم السماح
لأحد المساس بها .

نعم تشعر بالذنب لأنها تعلم حبه لها ... ولكن
ليس الحب هو ترياق الحياة .

يحبها منذ سنين الدراسة ... عمل ليستطيع
الزواج بها ... والآن عندما حصل عليها ...

أهانها ضربها ... طعنها في شرفها ... كذبها
.... جعلها خادمة .. وفي النهاية قتل طفلها .

لا ... لن تشعر بالذنب إتجاهه وستنتقم ... ستثأر
.

أطالت النظر إليه ليكرر سؤاله

مالك يا مروة؟



إرتمت بأحضانها تبكى وتتحدث بإنهيار أجادته

لربما لكونه حقيقيا

_ خايفة.... خايفة مامتك تطلع وتبهذلنى .

_ بلاش مبالغة يا مروة . ماما إيه إل يخليها

تبهذلك .

_ المرة إل فاتت قالت إنى السبب فى بعدك عنها

والمرة دى هتقول كده . وتعمل معايا مشكلة .

_ متخافيش أنا مش هسمح لحد يضايقك . إنتى

خدى علاجك ونامى وأنا هخلص شغل وأجيبك

عالمطول .

_ حاضر ..



إحتضنته فجأة ليبادلها سعيدا بينما هي
 إستطاعت الحصول على عالقة المفاتيح الخاصة
 به

وبعد رحيله أمسكت هاتفها وقامت بالإتصال
 على هاتف المنزل الخاص بوالدته
 _إلحي يا طنط ..جمال تعبانة ومش عارف
 يتنفس

أغلقت الهاتف قبل أن تستمع لكلمة واحدة منها
 ثم وقفت لتكمل باقي خطتها .
 بينما جمال عند وصوله الدراجة النارية الخاصة
 به أسفل البناية لم يجد مفتاحها فعلم أنه قد نسيها
 وقرر الصعود مرة أخرى تزامنا مع صعود
 والدته



رأها تتجه لشقته فتبعها بهدوء .

عندما وصلت للشقة قامت بفتح الباب بالمفتاح
الخاص بها وما إن دخلت

_مروة ..يا مروة إنتى فى

خرجت مروة من حجرتها وكانت شبه عارية
وشعرها مبلل أرادت بهذا أن تبدو رقيقة جميلة
ناعمة خاصة بذلك القميص الذي يعشقه جمال
_نعم يا طنط

نظرت إليها حماتها بغضب وكره فيبدوا أنها
توقعت شئ ما ثم بدأت في الصراخ
_طب ياختى إصبري لما جرحك يلم ...عاوزه
تربطيه بعيل بأى طريقة



رأت مروة جمال واقفا خلف الباب يستمع لهم
لتبدأ فى البكاء

_أنا بحب جمال يا طنط ليه عاوزة تفرقينا
...كل مرة يبقى مش موجود بتسمعيني كلام
وبتهنيني وتذاليني وأنا بسكت تفتكري ليه ؟
لولا خاطر جمال عندى مكنتش سكت ...إنتى
عمر ك إعتبرتيني بنتك؟

_لأ..ولا عمري هعتبرك بنتى .إنتى بالنسبة ليا
مش أكثر من خدامة .ومتفكريش الكلمتين
بتوعك دول هياثروا فيا أو حتى لو قولتيهم
لجمال هيعملك حاجة . جمال خاتم فى صوباعى
. ميز علنيش ولا يعصالى كلمة .



وأهو شوفتي بنفسك لما قولتله إنك بتعايري
ريهام بالخلفة وإنه لازم يضربك علشان يكسرك
وتبطلی تنطيت عمل إيه .

تظاهرت مروة بالصدمة وبحزن زائف سألت
_يا عنى إنتى إل قولتيله كده؟! ليه؟ وإنتى
عارفة إن ده محصلش ؟

_بس هو ميعرفش . هو مبيصدقش غير إل
بقولهلوه . مبيعملش غير إل بأمره بيه . ولو إنتى
عاوزة تفضلى على ذمته بلاش تعصبينى منك .
_ماما!!!!!!

تخشب جسد والد

ته بينما ظهرت إبتسامة نصر على شفتي مروة
محتها سريعاً وهى تعدو لأحضانها باكية .



إستدارت والدته وتملكها الغيظ والغضب عندما

رأته يحاوطها بذراعيه مهدئا إياها لتحاول

جذبها من بين ذراعيه ليصرخ بها

_سيبيها .. عاوزة منها إيه تانى ؟ مش كفاية إبننا

مات بسببك.

_سببي .. سببي أنا ليه ! بسببك إنت .. إنت إل

مش واثق فيها وبتصدق أى حاجة تتقالك . إنت

إل قتلت إبنك .. إنت إل قتلت إبنك سامع .

أما إنتى فأنا مش هسيبك تتهنى بيه فاهمة .

_تهينى !!! ليه محسسانى إنى ضررتك . ده

إبنك والمفروض تفرحى لما يكون سعيد مع

مراته . المفروض تعاملينى كبنت ليكى

تتصحينى وتدلينى . ولو غلطت الفتى نظري .



_إنتى هتدينى درس ...بقولك إيه شغل

الصعبنيات ده مش معايا أنا .

_خلاص بقي كفايةمن يوم ما إتجوزت وأنا

فى مشاكل .من هنا ورايح البعد أحسن حل

..أنتى أمى ومكانك فوق راسي ولما بسمع

كلامك مش ضعف ولا إنى ماليش كلمة بس أنا

بحبك وبحترمك لكن إنتى محترمتيش علاقتى

بمراتى وزى ما ليكى حقوق هى كمان ليها

حقوق وأولها مفتاح شقتها

أنهى كلامه ونزع المفتاح من الباب وأضاف

_فى أى وقت تحبى تدخل فى الشقة دى

تتوري ولكن خصوصية مراتى واجبى أحافظ

عليها



رحلت بغضب وأخذت تلعن وتسب بينما مروءة
 إبتعدت بخوف عن أحضانه وبصوت متقطع
 ظهر الخوف به

_متض..متضربنيش..أنا..أنا معملتش حاجة .
 _أنا مش هضربك يا مروءة .أنا كنت غلط .كان
 المفروض أسمع منك وأحكم عقلى .أنا آسف
 .هتقدري تسامحينى على موت إبننا .

دموع حقيقية ...ألم بين الصدور ..أنين متقطع
 ..جسد مرتعش

كانت إجابتها على سؤاله ليجلس فوق الأريكة
 يبكى وينعى طفله الفقيد .

صاح صوت آذان الظهر في الأرجاء فاعتدلت
 من جلستها فوق الفراش وجففت عينيها من آثار



الدموع وأغلقت المصحف الشريف ووضعت
بالدرج .

كانت تائهة .. لا تعلم أين مرساها .. لا تعلم
أحقيقة ما تعيشه أم أنه مجرد كابوساً مزعجاً
فقط ... أهى الآن تحولت لتصبح مثلهم أم ماذا
!!!?....

لا ... ليست مثلهم هي فقط تسترد حقها .. هي
تنتقم لما عايشته من مذلة ... هي تتألم لمقتل
ولدها ... قد يكون الضرب المبرح هو سلاح
مقتله ولكن اليد التي أمسكت السلاح هي
المسؤولة .

لذا ... حان دورك ريهام .



الفصل الخامس

الانتقام شعلة متوهجة إن أشعلتها فيجب عليك
الإحتراس أن لا تحرقك .

بعد أن أخبرته بذهابها للطبيبة وتجهزت لهذا
هبطت لأسفل تزامنا مع خروج ريham من شقتها
..ولكن تلك لم تكن صدفة ..فى الحقيقة هى
أخذت فى مراقبة تحركاتها لإختيار الوقت
المناسب والآن حانت فرصتها .

تصنعت الحديث هاتفيا وقصدت رفع صوتها
_لأ يابنتى إنتى غبية هقول لريham إيه؟ طبعا
مينفعش أجيلها سيرة خالص .



وكما توقعت تماما وجدت ريهام واقفا تحاول
إستيراق السمع وهذا التوقع أيضاً لم يكن صدفة
فهذا من طباعها .

إصطنعت مروة التفاجؤ وتحدثت لتبدو محاولة
إلهاء

_إستنى....إزيك يا ريهام أخبارك ؟

نظرت ريهام إليها بشك ومن إرتباكها الملحوظ
وأجابت بإقتضاب

_الحمد لله.

أكملت مروة طريقها وهى تبتسم بخبث وتابعت
بعد مدة حيث إبتعدت عنها وهى متأكدة أنها
تستمع لما ستقوله .



_عجبك كده كنت هتكشف وريهام هتعرف كل
حاجة

صمتت لحظات كأن الطرف الآخر يحادثها ثم
أكملت كلامها

_يابنتى مش خوف منها بس صعبانة عليا
..إزاي عاوزانى أقولها إن هشام بيخونها .

قالت كلمتها وخرجت من البيت بينما ريهام
وقفت كمن فوقها الطير .

مر اليوم سريعا كانت مروة أنهت فحصها
الطبي وهاهى عائدة .

تقابلت مع هشام عند مدخل المنزل .

_السلام عليكم ..أخبارك يا هشام؟



حملق هشام بها وأشار لنفسه بإبهامه يتأكد أنها
تحدثه لتجيبه

_هو في حد غيرك واقف .. أو في هشام غيرك

إبتسم ببلاهة وأجاب

_لأ.. بس مستغرب !! من إمتى بتوجيهلى كلام

لما دلوقتي بتسألنى عنى ؟!

تصنعت الحزن وأردفت

_خلاص أنا غلطانة إنى سألت أنا كنت حابة

نفتح صفحة جديدة مع بعض.

_يا سلام أوى أوى .. أنا تحت أمرك

_ماشي . وأكملت بهمس



_وعربون الصفحة بقي هقولك سر ريهام

مخبياه عليك بس أوعى تعرفها إنك كشفتها.

إستطاعت بهذا الهمس جذب كافة حواسه لها

ليتسأل بتعجب

_سر إيه؟!!!

_إحلف الأول وأوعدنى إنك مش هتجيب سيرة

؟

_ما تتكلمى علطول.

_لأ..مقدرش. الكلام ده فيه خراب بيوت وأنا

لولا إنك صعبان عليا وإن حياتك معاها مبنية

على كذب كنت هفضل فى حالى أنا مبحبش

أدخل في حياة حد .

_خلاص ماشي قولى وأوعدك مش هتكلم .



_بص هو ياعنى موضوع الخلفة ...

قطب حاجبيه بإستياء وقاطعها

_هو إنتى عرفتى ؟ بس إزاي ؟ أه أكيد جمال

هو إل قالك .

أومأت له بالإيجاب ثم تحدثت بعد التأكد من

خلو الدرج

_فعلا .. جمال قالى فى المستشفى إنه إتعصب

وضربنى علشان خاطرك إنت . لأن طنط

فهمته إن فيه عندك مشاكل فى الخلف .

_يووه إنتى بتقوليلى حاجة أعرفها وعمالة

تهمسي وتتلفتى زى الحرامية.

تغاضت عن إهانتته وتحدثت بسخرية بعض

الشئ



_إهدى بس ومتستعجلش وإسمع للآخر

ثقتها ونظرة عينيها الواثقة جعله يرغب في
معرفة ما ستقول. لذا وقف مكانه مرة أخرى
بعد ما كان سيصعد لأعلى


تشجعت وأكملت حديثها

_إنتوا فاكرين إن ريهام متعرفش ..بس الحقيقة
إن ريهام عارفة

ظهرت الصدمة على وجهه لتعلم أنها بالطريق
الصحيح فأكملت بصوت أرادته مهزوز

_الحقيقة إل إنت متعرفهاش إن ريهام متفقة مع
الدكتورة تفهمك كده .

_ياعننى...ياعننى إيه؟



_يا عنى ريهام دفعت فلوس للدكتورة علشان

تفهمك إن المشكلة عندك إنت .

تحسرج صوته وخرج متقطع

_تق..تقصدى..إن.العيب .. منها !!!

_بالظبط كده .

_مستحيل .. إنتى جاية توقعى بينى وبين مراتى

.

أطلقت ضحكة خافتة وإسترسلت

_وأنت صغير وينضحك عليك مثلا .. فكر

بالعقل .

الدكتورة هى إل مختارها ...ويوم نتيجة

التحليل ريهام بعثتك تجيبلها عصير صح

_وإنتى عرفتى منين؟ وحتى لو ده إيه علاقته ؟



__علاقته إن فى وقت غيابك إتفقت ريهام والدكتورة على كل حاجة ومن ضمن إتفاقهم إن الدكتورة تعرفك إن المشكلة عندك وريهام متبقاش موجودة .. لأن طبعا إنت مش هتقولها وكمان هتعملها كل حاجة تطلبها وتنفذ من غير ما تفكر علشان متحسش بحاجة . وتبقى خايف لتكتشف حقيقةك .

__إنتى..إنتى بتقولى أى كلام ..وأنا مش عارف جبتى الكلام ده منين.

__إنكر إنك إتفقت مع الدكتورة وبتدفع لها كل شهر مبلغ علشان تفضل مدارية الموضوع عن ريهام ...بس إل إنت متعرفوش إن ريهام بتستغفلك وهى إل محددة المبلغ وبتقسمه بالنص



مع الدكتوراة . أما الكلام فعرفته بطريقتي المهم
 إنى عرفت ومرضيتش أسيبك مخدوع.

_طب وعمليات الحقن !!؟

رسمت الأسى والحزن على وجهها وأجابته
 _خدعة بتعملها علشان تلاقى إهتمام مامتك
 وحرصك على راحتها لكن الحقيقة هى بتاخذ
 الفلوس والتكاليف لنفسها . مسألتش نفسك ليه
 بتتهرب كل مرة إنك تروح معاها .

تخشب مكانه يجمع أفكاره ويبدوا عليه التأثير
 والإقتناع بما قالتة . علمت وصولها لهدفها من
 عينيه المحمرة وأوردة عنقه النابضة بقوة . وما
 إن هم بالصعود غاضبا حتى نادى عليه

_إستنى بس



وقف موليا إياها ظهره لتكمل هي وهو لم يري
عينيها السعيدة

_بلاش تخلي عصبيتك تضيع حقك .

_يا عنى إيه ؟

_هى إستغفلتك المدة إل فانت دى كله يبقى إنت
لما تاخذ حقك تاخده بالعقل .

_عقل !!! عاوزانى أشكرها إنها ضحكت عليا !

_ومين قال كده ... بس عاوزاك تاخذ حقك
صح ، وزى ما هى وجعتك وضحكت عليك
..إوجعها إنت كمان .

نظر لها بتساؤل فأكملت

_أكثر حاجة توجعها إنك تتجوز عليها .

.....



هل المعاملة بالمثل خطأ أم حق؟؟؟

ظلت طوال الليل تفكر بهذا .. هل أخطأت أنا

تعاملت معها كما فعلت هي سابقاً.

من قبل هددتها بزواج جمال من أخرى دون

مراعاة لمشاعرها أو رافة بصحتها وحملها

وعدم تفكير أنه أمر لا يعنيها ..

حدثتها عن ذلك وكأنه فكاها كان صوتها

ملئ بالسخرية وأيضا الشماتة فلما لا تذق

نفس الكأس ... لماذا لا تجعلها تتجرع طعم

المرار.

.....



كانا جالسان يتناولان طعام العشاء وإذ بصوت
سهام تصرخ ليفزعوا ويهرولوا للأسفل وكذلك
هشام وزوجته .

_ في إيه ؟

نطق بها جمال بخضة واضحة لتقول سهام
باكية

_ ماما تعبانة ومبتروشدش عليا .. ضغطها على
جدا من ساعة منزلت من عندك .

دلفوا إليها بلهفة ليجدوها ممددة فوق الفراش
تأبى النظر إليهم

_ مالك يا ماما ؟

نظرت إليه بغضب ثم أشاحت بنظرها

_ سلامتك يا ماما إن شاء الله إل يزعلك .



إبتسمت مروة بتهكم لوصول مردفات كلمات
ريهام إليها .

_هو في حد غيرهانطقت بها سهام وهي
تتنظر بتحدى لمروة التي قابلت نظراتها بأقوى
منها جعلت سهام تقلق حياها ولكن هذا لم
يردعها عن إستكمال حديثها .

_بتعملي مشاكل بخبثك بين ماما وجمال
وتطلعي نفسك ملاك بجناحين لأ ونازلة بكل

برود

_بس يا سهام متكلمهاش كده .

_والله عال يا جمال منيجي تضربني أحسن
..وعلشان إيه أنا بقول الحقيقة . مراتك دي
السبب في كل تعب ماما ، هي تعبت وربتنا



علشان نبقي إيد واحدة ولما تتجوزوا ستاتكم
يبقوا تحت طوعها مش يبعدوكوا .

بص لريهام وإزاي ماما بتحبها ومبتز علش منها
. ياعنى لو المشكلة من ماما كانت ز علت من
الإثنين .

إبتسمت ريهام بملئ فاهها وتحدثت

_دى ماما ست الستات وتاج على روسنا
..تؤمر وأنا أنفذ .

_ربنا يخليها لنا وتشوف ولادنا وتفرح بيهم
...صحيح يا ريهام إزاي عملتى حقن مرتين
ورا بعض وأنا أعرف إن المفروض يبقى في
وقت بينهم ...بس عموما ربنا يكرمك وتتجح
فى مرة .



سلامتك يا طنط

ضغطت مروة على الكلمة الأخيرة وهى تلاحظ
غضب حماتها وريهام وأيضا سهام التى نظرت
لها قبل صعودها نظرات أربكت سهام وخشيت
ما هو قادم .

جلس جمال مع والدته قليلا ليطيب خاطرها
وبالفعل بدأت تلين له . بينما هشام قضى الليل
فى التفكير بعروس مناسبة وهو يلهو بالهاتف
وريهام تتابعه من بعيد والشك يتآكلها فهى
تلاحظ تغيره وكلمات مروة مازال صداها بأذنيه

بينما مروة تأكل الفاكهة وهى ممددة على الأريكة
رنة ضحكاتها تملأ المكان وهى تتابع محادثة ما
والتى كانت



_يا إيهاب إنت لازم تيجى تتقدملى بقي أنا بقالى
سنتين صابرة وبستناك .

_ما أنا قولتلك يا سهام أنا مش جاهز دلوقتى .

_ماهو الكلام ده بسمعه بقالى سنة ، ودلوقتى
كل حجى خلصت وقعادى فى البيت بعد ما
خلصت دراسة من غير ما أوافق على خطوبة
جايلى الكلام .

_أعملك إيه ؟ .. خلاص وافقى .

_أوافق !! وإنت ؟

_أنا خلاص زهقت منك . بصراحة أخذتى
وقت مالوش لزوم . وأنا أهو بقولها لك فرکش .

_إنت .. إنت بتتكلم جد ؟

_أيوة ... ومتكلمنيش تانى .



_وحننا !

_حب مين يا قطة . إعتبريها نزوة . وإحنا أهو
قضيّنا وقت لذيذ وخلاص .

_أه يا حقير يا عني كنت بتخدعني .

_هعديها لك لأنى عارف إنك مصدومة بس لو
غلطتى تانى هتشوفى وشي التانى .

_لهو أنا مشوفتوش . إنت طلعت حقير وأنا
غبية إنى صدقتك بس مش هعديها لك وهفضحك

_لأ ضحككتينى ..خوفت يابت ..تفضحى مين

ياقطة ..عاوزه تخربشي ..كان على عيني

أسيبك تخربشيني بس أنا لحمى نى يا جميل .

_هوديك فى داهية .



الدلهية دى هتروحي فيها لو فكرتى تصدعيني
 لأن ساعتها هتلاقى صورك الجميلة إل إنتى
 بنفسك بعتهالى مالية الفيس وخصوصاً صورة
 القميص الأحمر . بصراحة كان صاروخ
 متلبسين تانى كده وإعتبريها هدية وداع
 هههههههه

توقفت مروة عن الضحك وظلت تتأمل الرسائل
 قليلا وعادت بذاكرتها إلى يوم من أقسى الأيام
 التى مرت عليها .

....

كانت جالسة تتصفح صفحتها الشخصية فيس
 بوك وتنشئ منتدى خاص بجروب ما . فهى
 بعيدا عن شهادتها الإلكترونية تعشق هذا المجال

.



كان كل تركيزها مصوب نحو جهاز الاب توب
ولم تري المتحول خلفها.

وفى غضون لحظات رأت جهازها ملقى أرضا
منفصل لقطعتين .

الصدمة ألجمتها ...

كيف ومتى حدث هذا ؟!!! والأهم لما حدث ؟
بعد أن أفاقت من صدمتها رفعت رأسها تناظره
لتصدم أكثر من هيئته المخيفة .

كان وجهه شديد السواد عينيه شديدة
الإحمرار يتصبب عرقا غريزا كأنه كان في
سباق .

ابتلعت ما فى جوفها بخوف حقيقي فهيئته هذه لا
تبشر بالخير .



وحقا كان خوفها حتى ضئيل .

تهجم وإنقض عليها يكيل لها الضربات من كل

الاتجاهات وهو يسبها .

لم تلتقط أذناها إلا كلمة واحدة

_ هربيكى يا خاينة

إبداع



الفصل السادس

إذا لم يكن الجزع قوى فمن السهل أن تسقط
الأوراق... وعند تساقط هذا الحمل أصبح
إقتلاع جذور الشجرة مسألة وقت لا أكثر .
ظلت تبكى وتتضرع له أن يكف عن ضربها
.. أن يستمع لها على الأقل .

نزف أنفها وبصقت الدماء من ثغرها فتوقف
للحظات عن صفعها لتسأله ببكاء

_ أنا معملتش حاجة .. ومش فاهمة تقصد إيه بإل
قولته ؟

_ ومش فاهمة برده مواجهة سهام ليكى بإنك
بتكلمى رجالة عالنت . أصلا الكلام معاكى فى
الفاضى إنتى طا...



_إستنى ...صرخت بها تمنعه عن إستكمال ما

ينوى وأسترسلت بكسرة نفس

_أنا مقبلش تطلقنى وإنت متهمنى بحاجة بشعة

زى دى .أنا مقبلهاش على نفسي ولا على دينى

.

إنت سمعت من أختك ومفكرتش تتأكد .الموبایل

عندك أهو إفتحه وإتأكد .

كان سيجن عندما أخبرته شقيقته عن هذا ولكن

الآن أصبح مذبذبا فإن كانت مذبذبة لن تتركه

ليتأكد بنفسه ودون سابق إنذار .

بعد إطلاعه على هاتفها إقترب منها نادما

وحاول مساعدتها للنهوض ومراضاتها ولكن

كرامتها أبت الخضوع وظلت تبكى .



هبط سريعا لشقيقته وأخذ يصرخ عليها

_سهااام جبتي الكلام إل قولتيه منين ؟ ها ..

إنطقي .

أنا شوفت تليفونها وملقيتش حاجة زى إل

قولتيها .

_يمكن .. يمكن مسحتم علشان تبقي فى الأمان

.

_كل حاجة موجودة فى تليفونها . إنتى كذبتى

عليا .

_فى إيه يابنى ؟ مالك بتزعق لأختك كده؟

_قالتلى إن مروة بتعرف رجالة وليها علاقة

بيهم عالنت والكلام ده محصلش.



_وانت تعرف منين إنه محصلش مش يمكن
هى دارت على عملتها ، ماهى بتفهم في
التليفونات والحاجات دى وتلاقيها عاملة حسابها

البت دى تطلقها ..أنا من الأول رفضاها ..مالها
بنت خالتك ...أهى من لحمك ودمك وكانت
شارياك وكنت خلاص إتفقت مع أمها بس إنت
صغرتنى وروحت تخطب دى قال إيه بتحبها
ولغاية دلوقتى أختى مقطعانى بسببها .

_ولو كنت طلققتها وثبت العكس .إنطقي يا سهام
بالحقيقة .

أخذت سهام تنظر له وتفكر

هذه فرصة جيدة من أجل التخلص من مروة
فهى بالنسبة لها كالقنبلة الموقوتة .



فلن تستطع الراحة قبل أن تطمئن بأنها لن
تكشف سرها ...

ولكن.....

إن أصرت على موقفها وأكدت كلامها قد
يطلقها حقا وحينها من المؤكد ستكشف كل شيء
لذا عليها الإستكفاء بما حققته .

فمن المؤكد أن مروة قد فهمت ما سعت لأجله .
طال صمتها ليسألها جمال بحدة

_ ما تنطقي .

أجابته وقد حسمت قرارها

_ بصراحة محصلش . أنا كنت مضايقة منها
فكنت عاوزة أنكد عليها .



كاد جمال أن يضربها ولكن يد والدته أوقفته
ونهرته بعصبية وحدة

_أقف عندك يا سبع الليل ..بترفع إيدك على
أختك !! إنت عمرك ماعملتها ..تيجي دلوقتي
وعاوز تضربها علشان ست مروة .
ما في داهية ياخويا .

_دي غلطت في شرفها هي شتمتها ولا حتى
ضربتها ..دى غلطت في حاجة مافيهاش كلام
ولا مسامحة .

_ما قالتلك كانت مضايقة منها ...وإنت أهو
ياخويا لا طلقته ولا حاجة .خلاص الموضوع
خلص .



كانت مروة واقفة أمام الباب فلقد هبطت ورائه
 لأجل معرفة ماسيحدث ولتواجههم بالحقيقة
 ولكن شعرت أن هذا لن يجدى نفعا لذا صعدت
 مرة أخرى لشقتها بصحبة دموعها وأنين
 روحها .

....

أفاقت مروة من ذكرياتها على وقوف جمال
 أمامها يلوح بيده

_ها..جمال إنت جيت إمتى؟!

_بقالى دقيقتين وواقف بكلمك وإنتى ولا كأنك
 هنا .

_أه ..معلش أصلى كنت سرحانة شوية .

_بتفكري فى إيه ؟



أمعنت النظر إليه وعقلها يحادثها
 لقد حان الوقت... سابقا حذرتيها ولم تستمع
 إليكي... إمتنعتي عن كشف الحقيقة... ولكن

هاهو وقت الإنتقام
 _ هو في حاجة عازرة أقولها لك بس ...
 _ خير يا مروة .. تعبانة؟؟
 _ لأ أبدا .

_ أومال مالك؟؟
 _ هحكيلك .. فاكرك لما سهام قالتلك إني بعرف
 رجالة عالنت .

إحتقن وجهه لهذه الذكرى وسأل بضيق
 _ إيه فكرك بالكلام ده ؟



_إسمعنى يا جمال ...سهم تانى يوم قالتلى إنها
 عملت كده علشان لو فكرت أكشف سرها
 محدش يصدقنى ، وكلكم هتفكروا إن بعمل كده
 علشان أنتقم منها .

ساوره الشك وبدأ خائفا مما سيسمع ولكنه سأل
 بتحفز

_سر إيه ؟

أخذت تنهيدة عميقة قبل أن تتحدث ..فقول هذا
 لن يكن سهلا أبدا ..وحقا هى تشفق عليه .
 _من قبلها بفترة موبايها حصلت فيه مشكلة
 وإنه عارف إن ده تخصصي فأخذه منها وكان
 لازم أرجع كل حاجة كانت عليه علشان أقدر
 أظبطه ..



المهم من ضمن الحاجات إل لقيتها محادثات
ورسائل كتير جدا عمرها تقريبا سنتين بينها
وبين واحد إسمه إيهاب .

تابعت ردود أفعاله من الخوف من المجهول
والصدمة والغضب والآن ظهر تساؤل واضح
أنه يريد بشدة نفيه ولكنها نكست رأسها وأجابته
_ هو إيهاب صاحب هشام .

المشكلة مش فى الكلام ... المشكلة الحقيقية فى
صورها إل معاها وإل أغلبها بقمصان نوم
. قالت جملتها وهى تريه تلك المحادثات
والصور فمنذ أن قررت الإنتقام إستعدت لذلك
بكافة وسائل الحرب .. نعم فهى حربها وعليها
الفوز والثأر .



عند لفظها لآخر جملة ورؤيته لشقيقته تظهر من
جسدها أكثر مما تستر .

فار الدم بعروقه وشعر بغليانه و إندفع بكامل
غضبه ومجونه لأسفل ينادى صارخا سايبا
متوعدا عليها

هبطت ورائه لتجده منقض عليها يطعمها مما
سبق له وأطعمها منه . يذيقها نفس كأس العذاب

تستمع لصوت كسر عظام يدها .. تري إنبثاق
الدماء من أنفها وفمها حتى أذنيها .
تقطع خصلات شعرها ..

وهى.....هى تنئن وتصرخ ...تبكى وتتوسل
...تضرع له



والدته تحاول إبعاده... ريهام جازعة مما تري
..تحاول أيضا ثنائه عما يفعل .ولكن كلها
محاولات باءت بالفشل .

تقدمت مروة وبعده محاولات إستطاعت
تخليصها أخيرا قائلة

_لازم تهدي علشان تعرف تتصرف .

_أتصرف...دى حطت وشنا فى الأرض
،ضيعت نفسها

_لااااا أنا ساكتالك لأنى مش عارفة بتعمل كده
ليه بس يظهر إن الست مروة ملت دماغك من
ناحية أختك وإنّ طبعاً صدقتها .

_أختى دى و---ة إتفضلى شوفى صور بنتك إل
بعثاها لصاحب إبنك .



أمسكت والدته الهاتف بيد مرتعشة خاصة عندما
 همت بنهره عما يقول ولكن إرتفاع شهقات
 سهام أودت دفاعتها أرضا .

فى أثناء رؤيتها للصور دخل هشام متفاجئاً من
حالتهم وأصواتهم المرتفعة ..ولكن تفاجؤه لم
يسنيه عن تقديم من معه
أقدملكم نيرة مراللاتى .

لكمة .. ثم أخري كانت من نصيبه وبالطبع بيد
جمال الذي أخذ يسبه ويلعنه

قولاتك مليون مرة إتعدل وبلاش قذارة مع بنات الناس عندنا أخت كنت ترد عليا بكل ثقة سهام متربية ..



قولتك بلاش تدخل صاحبك الو__خ ده بيتنا ،
كنت تقولى صاحبه عمره ما يرفع عينه فى أهل
بيتى.

أهم إستغفلوك ولا هى طلعت متربية ولا هو
طلع راجل .

نفض يدي جمال من فوق ياقت قميصه وأبعده
بالقوة وهو يردف بغضب

_إنت بتقول إيه؟

_زى ما سمعت صاحبك وأختك المصونة على
علاقة ببعض وصورها بقمصان النوم عنده
..ومش كده وبس دلوقتي زهق منها وبيهددها
بالصور .



نظر هشام لأخته ليراها بحالة مزرية فيبدوا أن

جمال لقنها درسا حقا ولكن لا يكفي هذا

إندفع لها كالثور يحاول الوصول لها ولكن

ريهام دفعته للوراء وصرخت به .

_إتجوزت عليا ... إتجوزت عليا يا حقيير

_إخرسي .. صرخ بها تزامنا مع صفعها بقوة

ألقته أرضا ولم يكتف بل أخذ يركلها بقدمه

وهي تصرخ وتحاول الإستجداد بأحد .. ولكن

من سينجدها ...

_ضحكتي عليا وفهمتيني إن العيب مني

وأخذتني فلوسي .



أنا مش هطلقك .. هفضل معلقك كده لا طائلة
سما ولا أرض وهخلف وأعيش حياتي . لازم
أذلك وأكسر نفسك .

وانتى ..

إلتفت إلى شقيقته وأضاف
_ راجعك بس لما أخلص على الكلب التانى .

...

حسنا .. هناك ثلاث أجساد مفترشة الأرض
وجسدان واقفان بصدمة
كانت نيرة فى أوج صدمتها فمن المستحيل
عليها أن تتوقع أن أول يوم فى حياتها الزوجية
سيكون مأساويا هكذا .



أما مروة فكانت مصدومة أيضاً ولكن ليس مما
رأت فما عايشته سابقاً قضى على أى فرصة
للخوف أو الجزع .

أما صدمتها فكانت لشعور الحزن المخيم
بداخلها .

__هنعمل إيه؟

نطقت بها نيرة بخوف وهى تناظر أجساد ريهام
وسهام ووالدة هشام . لتجيب مروة بحسم
__تعالى ساعدينى نفوقهم .

وبالفعل بدءا إثنين فى محاولات الإفاقة التى
أوجدت نفعا مع كلا من ريهام وسهام ولكن لم
تنفع مع والدة هشام .



أخذ الجميع فى محاولة لإفاقتها ولكن ليست

هناك أى إستجابة منها

ظلت سهام تضرب وجهها بكفها وبكت

بهستيرية .

صرخات وصرخات تجمع على أثرها الجيران

الذين لعبوا نداء الجيرة وأحضروا طبيبا فى

أسرع وقت ممكن وظل الجميع ينتظر ما سييؤح

به هذا الطبيب

خرج الطبيب وتحدث بأسف.....

.....



الفصل السابع

{وَمَنْ يَتَعَدَّ حُدُودَ اللَّهِ فَقَدْ ظَلَمَ نَفْسَهُ}

أمرنا الله أن لا نتعد الحدود ... فقبل أن تظلم
غيرك سيكون ظلما لنفسك .

فروحك ستصبح معتمة ... أنفاسك
منفرة.....الهواء من حولك سيصبح معفرا ...
مهما تحقق من أحلام .. وتبلغ أهداف ... سيصبح
شعورك بفقدان شئ ملازمك .
فلن تتمتع بشئ ... لن تفرح بشئ .



لملمت حاجياتها فى حقائب عدة ..أخذت تدور
 بشقتها تبحث بعينيها عن ذكرى جميلة تحملها
 معها

تضرعت لنفسها بأن تتذكر ما يثنيها عن الرحيل
 ويبقيها لم تستطع

زهقت روحها إلى الحد الذي يجعلها تهرب
 لأبعد الحدود.

تقدمت منه تراه لآخر مرة بعد ...وبعد كل ما
 حدث لم تستطع كرهه ..

أهى فقدت الشعور ..أوغتيلت أحاسيسها .
 رآته ضعيفا ..هزيلا ..تمكن الحزن من عينيه .
 الآن مرت خمسة أشهر بعدما قررت التآر
 لطفلها ولنفسها .



وضعت حياتها أثيرة للانتقام لتسترد كرامتها
..لتعاود روحها نقية ..لتدوب جراح قلبها ...

فعلت ما قامت به من أجل التحرر

قيود المجتمع تأثرها تحت وطأة التحمل لكى لا
تحصل على لقب مطلقة ...

ما هذا اللقب؟! أيشاه الجميع إلى هذا الحد؟؟

لما لا يخشون إنقباض الأرواح في ظل حياة
ليست سوية ..لما فقط يفكرون بالجدران التى
يجب أن تجمع الزوجين وينسون أن قلب كلا
منهم بإمكانه يصبح قصرا للآخر .

توسل إليها بنظراته أن لا تتركهوعلى
الرغم من محاولاته منذ أكثر من شهر إقناعها
ولكنه لم ييأس ولم يتراجع .



نعم مرت هذه المدة تغيرت فيهم الكثير من
الأشياء .

أصبحت حماتها قعيدة ولكن خلال هذه الفترة قد
إستردت قدرتها على الكلام مرة أخرى.

حدث شجارا عنيفا بين هشام وإيهاب أودى بوتر
يد الأول نتيجة لطعن الثانى له وعندئذ تدخل
جمال وطعن فى وجهه أصابه فى إحدى عينيه
ليصبح بعدها أعورا .

دخل جمال وإيهاب السجن ولكن تم تنازل كل
طرف عن شكواه فخرجا بعد أن قضيا شهرا
بالداخل .

تأقلمت ريهام ونيرة معا فكل منهن تحتاج لهذا
الزواج.



ريهام لكونها عاقر ونيرة لتتخلص من زوج والدتها .

والآن سيتناوبان على مراعاة حماتهما بعدما ترحل مروة فهي من كانت تهتم بها خلال تلك الفترة .. فأصبحت قريبة لقلبها وأحبتها حقا وكان أول شئ نطق به لسانها
_سامحيني يا مروة .

أما هشام فبعد ما حدث تغير كثيرا .. أصبح مواظبا على صلاته ... إبتعد عن طريق السوء فهو لم يهمل العظة بأن تقع شقيقته بنفس الشئ الذي أوقع به الكثير من الفتيات .

إتخذ من عقابه الأصغر ببترا ذراعه هاجسا لعقاب ربه الأكبر ..



فإن كان هذا عقاب الدنيا فكيف بالآخرة .
ولكنه أصبح مديونا لمروءة بهذه الصيحة التي
أنعشت روحه .

فأمسى مصدقا أن الله أعطاه فرصة أخرى
لتصحيح أخطائه والإلتزام بتعاليم دينه .. وعليه
أن لا يضيع تلك الفرصة .

تقربت سهام كثيراً من مروءة وإستمعت لكافة
نصائحها .

أصبحت ملتزمة أكثر في ملابسها ... تواظب
على صلاتها وصلاة قيام الليل .. تستيقظ في
جفن الليل تبكى وتتضرع إلى الله بأن يغفر لها
ويعفو عنها .

وأخيراً وليس أخيراً جمال



منذ خروجه من السجن ورؤيتها تهتم بكل
عائلتها كأن لم يسبق لها الأذية والجراح على
يدهم ... زاد ندمه وتضاعف لدرجة البكاء
والتوسل لها بمسامحته عن كل مرة قام بأذيتها .
زاد حبه لها بل تحول لعشق عندما وجدها
متمسكة بالمكوث معهم لأجل تخطى تلك
الآزمات .. وبعلمه بأنها قامت بمحو أى أثر
لصور ومحادثات شقيقته بعدما إستطاعت
إرسال بريد إلكتروني عبارة عن فايروس
لهاتف ولاب توب إيهاب أصبح مديونا لها .. هو
فى الحقيقة مديون لها كثيرا والآن أصبح أكثر .

.....

وقفت أمام الباب لتتحشرج الدموع بعينيها فهى
حقا تعبت كثيرا ولكنها الآن أخذت بإنتقامها .



أو لنقل إستردت حقها... ولكن لم تتعد الحدود
 هي فقط أنارت عتمة الآخرين.... هي كشفت ما
 يحاولون إخفائه... تشعر بالذنب أحيانا.. ولكن
 تنظر للنتيجة لتجد أنها حقاً أصابت بما فعلت .
 أكان عليها أن تبقي جريحة.....؟؟؟؟
 أكان عليها أن تنحني لمن حولها أبدا...؟؟؟
 أكان يجب أن تحني رأسها خاضعة للظلم مدى
 الحياة...؟؟؟
 أعطاه الله الذكاء لما لا تستخدمه لصالحها
 ...؟؟!!!
 وهبها قوة الثأر لما تتخلى عن حقوقها...!!
 ولكن ...



لم تستخدم ذكائها فى الإنتقام زورا وكذبا ... بل
 جعلتهم يتخلون عن عباءة الصلاح الخادعة
 .. أظهرتهم على حقيقتهم .

لم تتبلى على أحد.. لم تظلم أحد ... وهذا هو
 المهم .

هبطت أول درجتين ثم وقفت مرة أخرى وهى
 تهمس

(الحرية قوة... وقوة التسامح أكبر حرية)

إبداع

